



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 3. An ob adulterium tam occultum, quàm notorium liceat conjugi
innocenti propria authoritate divortium facere, nulla expectata Judicis
sententia?

urn:nbn:de:hbz:466:1-41144

479 Ad 3. Q. An divortium propria authoritate institui possit, non exspectatà Judicis sententiâ? Negant plures cum Innoc. in C. intellectimus 6. fin. de adult. Gabr. in 4. D. 35. q. un. a. 2. Concl. 6. Gonzal. in C. 3. n. 8. prop. fin. b. tit. judicium Ecclesiae postulantes ex his rationibus. 1. Ex C. *Sæculares* 1. caus. 33. q. 2. ubi excommunicari jubentur Viri, qui uxores suas sine judicio Ecclesiae diuittunt. 2. Ex textu C. porrò 3. b. tit. ubi exp̄lē negatur, separationem conjugum absque judicio Ecclesiae fieri posse, etiam cùm Parentela sive Consanguinitas publica, & notoria est. 3. Quia iniquum videatur, quemlibet in sua propria causa Judicem esse. 4. Quia divortium est pœna nocentis, quam jus ipsò factò non imponit, sed Judici remittit imponendam. 5. Quia Matrimonium, cùm sit Ecclesiae authoritate celebratum, debet quoque authoritate Ecclesiae, & non ipsorum conjugum, dissolvi.

Alii id concedunt, si adulterium sit notorium; negant verò si sit occultum. Sed

480 Melius, ac verius dicitur, lice re conjugi innocentì ob adulterium tam notorium, quām occultum, secluso scandalo, divortium propria authoritate facere, tam quo ad thorum, & debiti redditionem, quām quod mutuam cohabitatio-

nem, saltem pro foro conscientiæ. Ita Paludan. in 4. d. 35. q. I. a. 3. Concl. 3. Sylv. V. divortium, q. 8. Covar. p. 2. c. 7. §. 5. Henriq. I. 11. c. 17. Coninch D. 35. n. 2. Palao D. 3. p. 6. §. 4. Rebell. I. 2. q. 17. Laym. I. 5. tr. tr. 10. p. 3. cap. 7. Wiestn. n. 76. & seqq. Clericat. de Sacr. Matr. decis. 39. n. 31. Gasp. Hurtad D. 11. diffic. 6. n. 21. aliisque plures cum, & apud Sanch. I. 10. D. 12. à n. 5. 14. 31. & seqq. Quoad adulterium notorium probatur. 1. Ex C. significasti de divort. ubi ratihabetur unius conjugum recessus ab altero ob adulterium propria authoritate factus, si notorium est, mulierem adulterium commisisse, &c. 2. Ex cap. ex parte de sponsal. ubi dicitur: Nemini licet uxorem suam sine manifesta causa fornicationis dimittere: ergo stante manifesta causa fornicationis licita est dimissio, neque uxor dimissa restituenda est, sicut docet Gloss. C. fin. V. fornicationis de adult. & colligitur ex C. de Be nedicto 5. Caus. 32. q. I. & C. de illa 6. b. tit. Etenim cùm delictum notorium est, perinde est, inquit citt. Pal. ac si publica sententia, & iudicio reus damnatus esset.

Quoad adulterium verò occultum, quando hoc publicè quidem occultum est, sed innocentì privatim certò cognitum. Prob. ex eo, quod adulterium ex natura sua non aliter obliget ad thorum, & redditionem debiti conjugalis, nisi
Uuu 2 sub

sub conditione, si etiam alter conju-
x fidem conjugalem servet, seu
carnem suam in alienam non di-
vidat C. quemadmodum 25. pr. de
Jurejur. ergo si alter hanc fidem
non servet, sed carnem suam in
alienam dividat, cessat in inno-
cente obligatio per contractum
Matrimonii contracta, sicuti ces-
sat quælibet alia promissio, ces-
sante conditione, sub qua tacite
facta est; & quidem, cum nega-
tio debiti sit actus privatus, priva-
tim etiam, & autoritate propria
fieri potest. Unde in divortio in-
nocens propriè non sibi jus dicit,
sed jure à Matrimonii natura sibi
concessio utitur, quod jus Ecclesie,
approbando Matrimonium, ap-
probare censetur.

Confirmatur, ob adulterium no-
torium, (sive notorietas illa sit fa-
sti, sive sit juris) licet Conjugi in-
nocenti propria autoritate à no-
cente divertere: ergo æquè ei li-
cebit in foro conscientiae ob adul-
terium secretum; quippe jus di-
vertendi non ex publicitate, sed
ex delicto nascitur; publicitas
enim solùm requiritur ad vitandum
scandalum: Unde Scandalo ces-
sante, quomodounque innocentis
de adulterio certò moraliter con-
stet, possidet ille jus divertendi,
ac pro foro conscientiae diver-
tere potest, quia in hoc foro non te-
netur quisquam contraëtus fidem
servare ejusdem fidei violatori.
Unde & Christus Matt. 5. & 29.

absolutè dixit, licitam esse dimis-
sionem conjugis propter adulter-
ium, non distinguens inter publi-
cum, & occultum.

Dixi porro pro foro conscientiae; nam in foro externo ex cau-
sa adulterii, nec notorii nec le-
gitime probati uxorem dimittens,
eam recipere compellendus est,
ne hominum malitia preheatatur
ansa conjugum innocentiam ejus-
modi dimissione injustè vexandi,
qua restitutione facta, seu con-
juge dimisso ad pristinum Statum
restituto, agetur de alterius ex-
ceptione, & probato adulterio
divortium celebrabitur; Quod si
in probatione defecerit innocens,
cogetur in Matrimonio perseve-
rare.

Dixi 2. Si adulterium innocen- 481
ti privatim certò cognitum sit;
nam si innocens non est de adul-
terio moraliter certus, sed dubius
duntaxat sit, vel solùm suspicio
probabilis de illo habeatur, nul-
latenus potest propria autorita-
te ab altero divertere, ut passim
notant DD. & aperte colligitur
ex citt. C. ex parte &c. & C. dixit
Dominus 32. q. 1. & ratio est; quia
antequam habeatur moralis cer-
titudo de adulterio, saltem per
præsumptionem violentam (qua-
lis intelligitur in citt. C. dixit.)
ortam scilicet ex circumstantiis
cum fornicationis actu ferè sem-
per conjunctis, fundantibus mo-
ralem

ralem certitudinem, alter conjux manet interim in sua possessione, & jure, quô privari non potest, cùm in dubio melior sit conditio possidentis. Porrò talem certitudinem habere censetur conjux innocens, ut notat citt. Palao, si pro adulterio talia indicia habeat, quæ in judicio externo probata sufficerent, ut Judex divortii sententiam proferre posset; quippe conjux innocens recedens ab altero, quasi sententiam profert. In particulari autem esse solum cum cum sola tempore, & loco ad peccandum apto. v. g. in eodem lecto, sufficiens utique adulterii indicium, est, præsertim si unus conjugum sit suspectus, vel aliás malè diffamatus, prout dicitur in *cap. litteris de præsumpt.* Oscula tamen, amplexus, & tactus præcisè, licet plures DD. apud Sanch. l. c. censeant sufficere ad separationem, probabilius tamen, ac verius oppositum docent citt. Sanch. & Palao cum aliis, nisi ex aliis etiam concurrentibus circumstantiis aggravetur præsumptio, v. g. si exerceantur in loco abdito, & secreto, ubi facile copula haberi posset, aut à personis aliás suspectis; quia ex hujusmodi actibus, præscindendo ab aliis circumstantiis, neque ex natura rei, neque aliqua lege adulterium plenè probatur. Amatoriae quoque litteræ ad hanc separationem sufficiunt, quæ à muliere Missæ sunt amasio, & in iis

adjungitur Confessio adulterii præteriti, ut cum aliis notat citt. Pal. nam esto, Confessio ista, utpote extrajudicialis non plenè delictum probet ad faciendum divortium in judicio per sententiam Judicis, sufficit tamen hæc probatio ad faciendum divortium extrajudicitaliter, & auctoritate propria, utpote ad quam faciendam minor probatio requiritur, ut notat citt. Palao. Indò juxta eundem Pal. Sanch. n. 51. & Guttier. n. 12. sufficit, ut conjux innocens divertere possit, si de sui Conjugis adulterio, seu de illius violento judicio, certior fiat à persona fide dignissima, cui meritò prudentissimus quisque fidem haberet; quia illud dictum certitudinem moralem præstat.

Ad argumenta in contrarium allata, R. ad 1. C. *seculares*, non loquitur de dimissione ex causa adulterii, cuius notitia certa habetur; sed de illo, qui uxorem demisit ratione fævitiae, aut sine graviori culpa, vel probabili causa, animo ad illicita confortia accedendi. Secùs in adulterio, quod jure naturali divortio causam præbet.

Ad 2. R. textum illum non de divortio quoad thorum, & cohabitationem loqui, sed de matrimonii dissolutione quoad vinculum, & libertatem alteri copulandi; quæ res cùm gravissima
Uuu 3 sit,

sit, & gravioribus exposita periculis, meritò Ecclesiæ judicium requirit, ut notant citt. Palao, Sanch. Coninch, & alii.

Ad 3. R. Innocentem suo discessu non tam sibi jus dicere quam uti jure suo, sibi ex natura Matrimonii certò competente, & nulla lege sibi adempto; prout colligitur ex C. dixit citt.

Ad 4. R. Divortium non esse propriè poenam, ut patet ex dictis, sed quasi conditionem imbitam in Matrimonii contractu, si alter conjux fidem cojugalem servet, quæ conditio, cùm sit in favorem innocentis, sufficit, ut innocens adulterii, seu violatae fidei conscius, adulterum jure privet, debitum exigendi.

Ad 5. R. id procedere pro foro externo, secùs in foro interno, ubi spectatur natura contractus matrimonialis, qui, ut dictum est, ad thorum, & cohabitationem non obligat, nisi sub conditione, si etiam ab altero conjuge fides matrimonialis servetur. Secùs si data fides violatur,

482 Ad 4. Q. An dos, facto divorcio ob adulterium, restituenda sit uxori adulteræ? R. Negativè; nam inter poenas uxoris adulteræ, ea est; ut dotem perdat, Viroque accrescat, C. plerumque de-

dotat. inter Virum, & uxorem. I. consensu 8. §. hac nisi 4. & §. seq. C. de repud. Novell. 117. c. 8. §. 2. & tradit communis DD. ut sic aliqua compensatio fiat pro gravissima offensa, quam innocens per adulterium passus est; si tamen uxor adultera filios habeat ex eodem, vel alio Matrimonio, tunc maritus, dum vivit, usumfructum illorum bonorum habet, sed eo mortuo succedunt filii in bonis adulteræ; ut ex jure communi probat Barbol. I. 2. p. 1. in princ. n. 62. ff. soluto Matrim. & colligitur ex citt. Novell. 117. c. 8. V. si enim filios.

Vicissim uxor ob Viri adulterium lucratur donationem propter nuptias, (scilicet eam, quæ fit à Viro uxori pro securitate dotis) citt. leg. consensu, §. si verò C. de repud. & Auth. liceat matri, & avie. §. quia verò plurimas, v. si de adulter. & tradit communis cum Gloss.

Præterea, si divortium non culpa uxoris, sed viri factum sit, restituenda est uxori dos, ut manifestè colligitur ex cap. I. de don. inter vir. & uxor. & docet Abb. cum Bald. in cap. 1. ut lite non const. & insuper restituenda est medietas lucrorum, usque ad divortii tempus, ut habetur cap. significavit, & tradunt Covar. 4. decret. 2. p. c. 7. §. 1. Ant. Gomez leg. 53. tauri n. 72. Palao D. 3. de spons. p. 6.